

EXCELLENTISSIMO VIRO NOBISQUE DESIDERANTISSIMO OFFAN REGI MERCIORUM HUMILIS  
AMICUS ALCHVINE<sup>a</sup> SALUTEM.

796

post Apr. 18.

Sciat veneranda dilectio vestra, quod dominus rex Carolus amabiliter et fideliter sepe mecum locutus est de<sup>b</sup> vobis; et in eo omnino habetis<sup>c</sup> fidelissimum amicum.

5 Ideo legatos Romam dirigit ad iudicium domni apostolici<sup>1</sup> et Aedilhardi<sup>d</sup> archiepiscopi<sup>2</sup>. Vestre quoque dilectioni digna dirigit munera. Etiam et per episcopales sedes in elemosinam sui et domni apostolici benedictiones transmittit, ut iubeatis orationes fieri pro illis. Vos vero facite secundum fidem vestram, quam semper soliti estis facere de amicis vestris<sup>3</sup>.

10 Similiter et Aedilredo<sup>e</sup> regi<sup>4</sup> et ad suas episcopales<sup>f</sup> sedes dona direxit. Sed, heu pro dolor, donis datis et epistolis in manus missorum<sup>g</sup>, supervenit tristis legatio per missos, qui de Scotia per vos reversi sunt<sup>5</sup>, de infidelitate gentis et nece<sup>h</sup> eius<sup>6</sup>. Qui, retracta donorum largitate, in tantum iratus est contra gentem — ut ait<sup>i</sup>: 'illam perfidam et perversam et homicidam dominorum suorum', peiorem eam<sup>k</sup> paganis  
15 estimans — ut omnino, nisi ego intercessor essem<sup>1</sup> pro ea<sup>m</sup>, quicquid eis boni abstrahere potuisset et mali machinare, iam fecisset.

Ego vero paratus eram<sup>n</sup> cum muneribus redire ad vos et patriam<sup>7</sup> reverti<sup>8</sup>. Sed melius visum est mihi propter pacem gentis meae in peregrinatione permanere; nesciens, quid fecissem inter eos, inter quos nullus securus vel in aliquo salubri con-  
20 silio proficere potest. Ecce loca sanctissima a paganis vastata, altaria periuriis foedata, monasteria adulteriis violata<sup>9</sup>, terra sanguine dominorum et principum infecta. Quid aliud faciam, nisi cum propheta ingemescam: 'Ve genti peccatrici, populo gravi<sup>Isai. 1, 4.</sup> iniquitate, filiis sceleratis; dereliquerunt Deum et blasphemaverunt sanctum salvatorem mundi in sceleribus suis'. Et si hoc verum est, quod in vestre dignitatis legebatur  
25 epistola, quod a senioribus populi egressa esset iniquitas, ubi tunc salus et fides speranda est? si inde turbulentus infidelitatis torrens profluit<sup>o</sup>, unde purissimus veritatis et fidei fons emanare solebat<sup>10</sup>.

Tu vero, sapientissime populi Dei gubernator, diligentissime a perversis moribus corrige gentem tuam et in praeceptis Dei erudi<sup>p</sup> illam, ne propter peccata populi  
30 destruaturs patria nobis a Deo data. Esto aecclisiae Christi ut pater, sacerdotibus Dei ut frater et omni populo pius et aequus, in omni conversatione et verbo modestus et pacificus, et in laude Dei semper devotus; quatenus divina clementia in longeva te custodiat prosperitate et regnum tuum, immo Anglorum omnium, perpetue pietatis benefactis ex<sup>q</sup> suae bonitatis gratia exaltare, dilatare, et coronare dignetur in eternum.

35 <sup>a</sup>) Alcuinus *A 1*\*. <sup>b</sup>) de *om.* *A 1*, *A 1*\*. <sup>c</sup>) habes *A 1*\*. <sup>d</sup>) Aedelhardi *A 1*. <sup>e</sup>) Aedil-  
raedo *A 1*\*. <sup>f</sup>) epis *A 1*. <sup>g</sup>) missorum *A 1*. <sup>h</sup>) neci *A 1*. <sup>i</sup>) dicat *A 1*\*. <sup>k</sup>) peiores eos *A 1*\*.  
<sup>1</sup>) esset *A 1*. <sup>m</sup>) eis *A 1*\*. <sup>n</sup>) *om.* *A 1*; sum *A 1*\*. <sup>o</sup>) *manus posterior corr. in* profluxit *A 1*; pro-  
fluxit *A 1*\*. <sup>p</sup>) erudire *manus posterior corr. in* erudito *A 1*; erudito *A 1*\*. <sup>q</sup>) et *A 1*\*.

*Ann. Nordhumb.* 795 (*SS. XIII, 155*): idem rex fortissimus Karolus cum manu valida Hunnorum gentem  
40 armis vastando subegerat, eorum principe fugato et ipsius exercitu superato vel perempto, sublati  
inde XV plaustris auro argentoque pallisque olosericis pretiosis repletis quorum quodque quatuor  
trahebant boves. Quae omnia idem rex propter victoriam a Domino sibi concessam Christi ecclesiis  
atque pauperibus dividere praecepit, grates Deo referens cum omnibus secum pugnantibus.

1) *Leonis III.* 2) *Cantuariensis.* 3) *V. ep. 100 supra p. 146.* 4) *Northanhumborum.*  
45 5) *epistolam Offae regis afferentes; v. infra verba haec:* Et si hoc verum est, quod in vestre digni-  
tatis legebatur epistola. 6) *Interfectus est Aethilredus rex Northanhumborum d. 18. Apr. 796.*  
*Simeon. Dunelmensis hist. 796. (p. 57): XIII Kal. Maii; cf. Lappenberg Gesch. v. Engl. I, 213 n. 1.*  
7) *Northanhumbriam.* 8) *Cf. ep. 44 supra p. 90.* 9) *Cf. supra p. 43.* 10) *Cf. infra ep. 173:*  
50 *ubi fons aequitatis et iustitiae ad omnes per rivulos sanctitatis profluere debuit, ibi maxime iniquitatis*  
*palustris profunditas exalatur.*